

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Verwarnung der diener des worts- vnd der brüder zu Straßburg

Capito, Wolfgang

[Straßburg, 1524

VD16 C 842

Verwarnung [An die Eidgnossen]

[urn:nbn:de:bsz:31-289179](https://nbn-resolving.org/urn:nbn:de:bsz:31-289179)

Verwarnung

Gnad vnd Frid / vnd langmütige gedult / in trübsalen vnd verfolgungen / von Gott dem vatter vnd vnserm hern Jesu Christo / fründlichen lieben brüder vñ fründ. Es ist Gott lob / weit be rümbt ewers glaubē bestendigkeit / vñ viler auß euch offener veriehung / des heylsamen wort gottes / so by euch / als die natürlicher erbarkeit geneigt / die früchte des geists vilfältiger dan̄ bey andie gebürt. Dan̄ liebe / frid / freud / verachtung des zeitlichē / sehnen vñ trachten nach dem ewigen / nach der warē eer gottes nach merüg d̄ erkenntniß aller reichthū Gottes / nach fürderung brüderlicher liebe vnd einigkeit / vnd euch vnd andern / hat bey euch mer glichen zū genōmen.

Vnd wiewol auch etlich hartnäckige bey euch sein möchten / so mit den verworffnen Pharisēern der gnaden vnd geyst Gottes alweg wider streben / Befunden wir doch / auß viler sag / das das wort in glücklichem für gang sey / wie wol nit vnangefochten / auch vō etlichen / so Gott hynoch / als wir verhoffen / vñ täglich bittē / auch erleuchtē würt. Dan̄ die so auß vnwissenheit trāfflichen verfolgen die gemein Christi / vmb lieb vnd andacht willen zū den vätterlichen satzungē / die sind geschickt zūr gnaden / vnd souil türstiger zū manlicher veriehung / je hefftiger sy den glauben vorhyn verfolgt haben.

Aber der phariseisch hauff / die abgöttischen geystigen geistler / die deren gott jr Bauch ist / kōmen schwerlich zūr warheit. Dan̄ geferbte gleyßner ey / vnd die lügen vnderhaltē sy / in irem faulen vnd feigen lebē / darumb sie alweg wissenlich mit fürsatz die erkante warheit gern vnder truckten / wie ihene / auß eiffer zū gott aber nit nach dem wissen wol tratzlichen wider steen /

Verzwarnung

Aber doch weiter Bericht nit flühē. Dero sind zwey sel noch vil bey euch sind/so täglich zür zal der glaubigen züthan werden. Als vns anzeigen geben/lieben Brüder/eiwer großmütige sit same handlung/vñ der andern theüre manheit/die nymer jr für setzen wert wider Gott zü sechten. Wie wol der Endchrist/vñ sein glider am höchsten euch versuchē. Dan im/an so dapfern handfeste leüten vil gelegē ist/welche im zü seiner tyranny für andern geprenchlichē weren/wo sy mit gelt zü kauffen/oder durch versürlliche leer/möchten auff sein verderbliche secten/abgewisen werden. Dan wurde er mit dem schwert/alle stett vñ lānder/so dem wort gehorchen/vndersteen zü verhergen vñ schleyssen/ Dann wurde er das arm forchtsam heüßlin der glaubigen/mit feüwer vndersteen auß zü tilgen/dero geyst vñ geschrißten/gott lob/alle seine schmeychler kein wort antworten/vñ ganz nit mögen widersteē. Des halb wir in vnserm gebett/Gott dem himlischen vatter dancken vñ embiglich bitten vñnd begeren/das er die frommen redlichen Eidgnossen verhütten welhe/das sy wie bißher/so schon das wort nach nicht angenommen/sich dennoch dem abscheülichen greüwel nit haben erkauffen lassen/das sy fürter sich auch nit Begebē/ob sy schon hart angefordert werde. Dan an überflüssigem geld/kein mangel sein würde.

Aber lieben Brüder/wie der allmechtig Gott auß allen völkern ettelich berüfft vñ auß erwelt hat/also verherttet er vñ macht halb starrig/ auß allem erdtrich ettelich verworffene gnadenhasser/auff das sy sein geschirz seins zorns/zü meerung der eer seiner reichthumb vñ gütte/gegen den gehorsamen geloffenen vñ gotsföchtigen.

An die Eidgnossen

Deren einer wie wir besorgen/ ist Brüder Conrat vō
Friburg augustiner orde/ der sich für ein wergerzeug
yztund dargibt vnd geprancken laßt/ zwitracht vñnd
mishelligkeit vnder euch von der Eidgnoschaft auff
zü bingen.

Es haben die gotseligen eidgnossen/ ein Strenger
vnd Ersamer Rath zü Zürich vom verstädt götlich
er schufften/ offenlich disputation vnd vnder rede ge
halten/ des geyst Gottes hellen vnd gewissen verstäd
angenömen/ zü jren vndertharen vñ nach gepawern
ausß breytret/ da durch die Ver Gottes vñnd freyheit
der gewissen höchlich gefürdert ist/ doch nit on wider
sprechung/ wie dan Christus ein zeichen in Israel dem
widerprochen wirt/ vnd der zü ein fall vnd auferste
hung viler gesetzt ist.

Dagegen were/ dem Teüffel gar grosser behülff/
wo er aufftreiben vnd zü wegen bingen möchte/ das
an andern orten einer löblichen Eidgnoschaft/ wie
zü Zürich Christlichen / vñnd nach der geschriffte /
also daselbst bäßlichen nach von Gott verbottnen
menschen leren / gedispntiert vñnd gehandelt wür
de/ Doch on vergleichung des gegenteils / auff das/
das liecht die finsterniß nit außtrieb/ vnd die warheit
seine lügen nit schendte. Dan der betrogen seynd kein
frey verhör vnd offenlich erkantniß leyden mag/ sond
allein bearbeitet er sich vmb ein schein vnd farb/ zür
deck seines greüwels/ so bloß wie er an im selbs erkun
det/ der natürlichen erbarkeit vnleydlichen ist.

Vnd also wil von vilen geacht werden/ das Brüder
Conrad der augustiner/ sich da hin hab lassen vermü
gen/ das er gemene Eidgnoschaft helffe verwirren.
auff das sy nicht vereinigt/ Christum sampt bekenne.

Verwarnung

Solichen argwon bestertigt sein vnter schampft häd lung für ein Ersamen Rath der löblichen reichstatt Costentz/da hat er (wie wir bericht) gesagt. Liebē herren/es ist zū Straßburg im Thum süß/ auch ein prediger/den hat ein gāzter Rath anfanglich gefürdert. Aber yzūt ist die gemeyne der massen in in gewachsen das auch ein Rath/wie wol ers gern thün wolte/ im ansehens/seins vngeschickten predigens/in nit meer für dem gemeinen man kan abstellen/darumb so lügē ob euch solichs auch zū thün oder nit/ mit eüwern predigern. Welche rede lieben Brüder/ der theür Brüder er diecht hat/wider ein Rath vō Straßburg/wider die predicanten/vnd wider die ganze gemein/wie für augen. Dañ ein ersamer Rath/als die pfaffen M. Mattheum Zellen im vergangnen jar vnder fundē zū verziagen/hat sich 8 sachen wenig vnderzoge/Aber die erbare Burger schafft hat vil willēs gegē im erzeigt/doch mit aller fründtschafft vnd güctem/vnd ist im mit der stille/on alle vnruige bey gestanden/als er wart für dē Official berufft/etlich artickel zūnerantworten/Welche dañ er ganz Chrißlich beschriben/vnd durch den truck hat lassen auß geē. Dazūmal was er der gemein wie er nach ist/fast lieb vnd wert/vnd wie wol dē rath nit vnanmüctig/doch haben sy raths weyse sichs handels anfangs nit vndernommen.

Aber hie zwischen/Gott lob/ist die warheit je meer von tag zū tag erglastet vnd kundtbar worden/vñ vil so ir am anfang entgegē warē/haben schon das wort bey vns angenommen/also/das yetz vnsern hern vnd obern/die rhāt vnd ein vnd zwenzig seer zū genömen/in Chrißlichem verstand/vnd nit allein begeren sy die prediger nit zū vertreibē/sunder sy besleiffen das wort durch

An die Eidgnossen

durch zimlich mittel / als Christlichen regentē gebürt
in alle weg zū fürdrē / wie an euch velleicht gelāgt ha:
ben mag. So ist auch bey vns / so ein gehorsame bür:
gerschafft / als sy indert im Reiche sein mag. Dānder
Kath / ist nit partheisch / nach zerteilt / niemāt macht
im anhang / sunder yeder man redet für sich / sein ver:
stand nach / wes in für güt ansicht. Auch fürdert zū
gehorsam / das so ein schön ordnung hie ist / vñ das die
gemein / des Kathes getrawen fleiß auch wissen vñ er:
kennen mag. Zū dem / so hat das wort mergklich lang:
müttrikeit bracht / das die hörer / von vnwürse / von der
widerwertigen verduß / von gespött vñ hön / nit bald
sein vff zū rüsten / Das jr abnemen mögen / vñnd bey
noch sehen. Die weil sy Bñder Conrad bey in gedulden
der sölich schmach / so vnuer schēpt in zu gemessen hat
Wie wol er solichs vns zū Straßburg nit als hoch zū
wider gesagt / als fleißig er zwitracht / als wol zū ach:
ten / vñnd den rechen zū Costens begert vñ gesucht hat.
Dānda selbst von vilen den fürnēbsten das wort auch
angenomen ist / was also sein fürnemē / die blöden mit
sölicher lügen ab zūschrecken / vñnd die erwachsenen im
glaubē zū hindern / auff das sy fürter nit versach habē
möchten / die fromen predicanten zūuertedigē / für ge:
walt des Bischoffs vñ des Bāpstlichen legaten / Oder
ioch auff's wenigst / hat er vnderstanden den Kāthen
gegen sich zū teilen / das etlich weren die von beschir:
mung der vnschuldigen diener Gottes abstunden / vñ
kein gefeß darüber besteen woltē. Dāndes endtchristis
tyranney steet fast auff zwitracht der vnderthanen /
die nit wider fechtūg d warheit hoch gefürdert wirt.
Dann kein grösser zwitracht auff erdrich nit ist / dāñ
wo man im glauben widerwertig ist.

Verwarnung

Das nun ein vnleidlicher schad der löblichen Eid-
großschafft were/ wo etlich der erbarkeit/ das wort
recht angenommen herten/ als jr lieben brüder angenō
men haben. Vnd die andern/ so von art der erbarkeit
geneigt/ Beredt weren/ das menschen dant dem wort
solte vñ müsse gleich gehalten werden. Darauß folgē
wurde/ das zweyung vnder eiuwer so theurer mansch
afft/ wurde/ So züm teil gottglaubig/ züm teil vätter
glaubig/ Bābst vnd Bischöff geschwinden auffsetzen
glaubig sein wurden. Das entlich reichen möchte zür
zerrennung eiuwer festen verbündniß. Dā die ir rüg
ansehnlich sein wurde/ vnd aber die warheit bey den
Begnaden vnd erleuchtē Chriſten der massen eingelei
bet/ das sy ee leib/ eer vnd gütt begeben/ dā sy vō irer
Bekentniß absteen möchten.

Also wurde/ das Gott verhietten wölle/ des teü-
fels regiment bestertigt/ Der allē trost setz in zwit a-
cht/ auffrür/ empdung vnd misuerstand/ der schon
sein tyrannisch regiment verlom vnd selbs verzweyf-
felt hatt/ wie sich bey vns etlich der seinen vernemen
lassen/ Wo nit zweyung vnder der fromen erarbeit/
oder vom nichtigen pöfel schwere bewegung vnd wi-
derspennigkeit in kurzē wirt auffbracht/ wie bey vns
bey nach offenbar/ das die nach vnstriden trachten/ so
den schein vnd namen der vätter in selbs zū geben/ vō
yederman begern vnd gern hören/ vud mit glückliche
wunsch des frides/ die Chriſtlich gemein grüssen soltē.
Dā vil vertruß vnd anlassen vns täglich hie zū steet/
Vorab von prediger mōnchen/ so gegen bürgern sich
auch mit der thatt/ sie zū schlagen vñ uerursacht/ inn
gelassen haben.

Da gegen wir ein ander hertzlich ermanē zū gedult

An die Eidgnossen

vnd zu leyden die verachtung sollicher ellenden leidet/
schmahwort eratzung/vnd anreitzen/welchs dem fe:
ynd augenschemlich grossen abbruch thut/dan so wir
mit heers krafft zu feld legen.

Vnd also mögen wir bey vns abnemē/wes der arg
listig gegen euch anden im vil gelegē/fürnympt/euch
gegen emander vffrüstig zu machen.

Da zu behülffig sein will/Bünd Conradt eüwer Bür:
ger vnd landt kintē/dan solichs durch kein frembdlig
möchte stattlich für genommen werden.

Dan die weil vnser Bünd in Christo / zu Zürich / das
ansches götlicher geschafft/durch sein öffentlich dispu:
tiern/vilen eingebildet/hat yetzund diser Bündler Con:
radt da widder/gestalt einer disputation auch fürge:
ben bey euch zu Fryburg in Tüchelandt zu haltē/dar
inn er entlichen dringt auff menschen leer/vnd verklei:
nung götlicher schufften. Welchs er nit für genomen
zu erköndung der warheit/dan von der gnad vñ dem
freyen willen/hat er für zweyen jaren/hie zu Stras:
burg in vil puncten disputiert/das yetziger meinung
gerichts entgegen ist. Auch zeigt sein auß schreiben sol:
lichs an/als hernach wir entdecken wollen.

So hat in auch nit bewegt/die eer des prouincials/
das er auff sechs jar sich gebraucht wider jr statut vñ
mönchische ordnungen. Dan er schon weitter erstre:
ckung solichs ampts/durch erlernung des kriegs/so
er gegen etlichen mōnchen so mit recht vñ bābstlicher
bewilligung/ auß getretten yetz so vil iar gefürt vnd
verzogen hat. Die er seinen mit genossen den Augusti:
ner mōnchen so schwerlichen für gibt/das jr keiner in
solichem krieg streittē will/Vnd bleibt im also sein bra:
chtische herrschafft erstreckt. Des halb dan vō etliche

B ij

Verwarnung

geachtet wirt / das er den verfasten endtlichen rechts
spruch zu Tabernjertz üngst verhindert habe / auff dz
sein herschung fürter auff drey jar versichert werde.
Dan yetze die zeit / das sy ein andern Provincial pfleg
lich erwelhen. Doch mag sein / das sollich berümung
der disputacion im ein autoritet vñ Breyß / Bey sein vñ
etlin auch geberem möchte so hoch scherzen sy wñ über
jren verstandt / der warheit abbruchlich / jrem faulen
fressigen leben diensflichen sein mag.

Aber es bedunckt etliche / es sey nit vnmüglich / das
sollich krafft vñ andacht zu offrtgehörtter disputacion
in erst reüwlich sey angewachsen / von starcker inwir
kung des anmütigen golds. Dan kein behertzer man
wo groß Belonung vñ eer verhofft / pflegt sich zu sau
men / vñ den kampff vñ gesezlichkeit zu fliehen.

Es hat zu gleichem fürnemen / andere vorbewegt /
die dise materi beschriben / disputiert vñ weit auß ge
schryen haben / als D. Hans Ecke vñ andere / dar auß
dan sollich vngehörte kunst / außklaubt ist / wie woler
vñ Xheroischer klügheit im beschluß seins brieffs mel
det / das er verhoffe vsach auß sollicher disputatiō zu
finden / auff dz / so schöne materi / möge jrer würdigkeit
noch / herrlich beschriben werden / Als ob sy bis her nie
beschriben wer / so doch alle verfürische theologie der
Sophisten / vñ der heüchler Canonisten Bücher / mit
erfüllet sein. Vñ weilant als die warheit angefangē
wider inzübrechen / ist aller gotshasser höhstes fürne
men gewesen / solichs zu erhalten / dar auß geschaid
griff / von teütschen vñ walen ein bracht / vñ nemlich
vom Siluestro Priorates / vñ Thoma Caietano / vñ
Catharino vñ andern meer / deren namen vns besch
werlich zu erzelen / vñ auch nit hoch von nöten sein.

An die Eidgnossen

Doch steet im wol an/vnd ist zür sach fürderlich/dz er im beschluß seines brüeffs weiter schreibt / Er gebe im selbs nit zü / das er solche neuwe vngehörte materi möge / irem wert nach beschreiben. Er achte aber nit für gering/das er den hochgelerten das hefft anbottē habe. Also müß man den gemeinen verstand teüschē vnd wunderlich für geben / für neuw vnd vngehör so gemeine geschwetz/das die fischer bißen für liedlin singen möchten / wēn sy den Chorhern vñ mōnchen fisch heym tragen. Dañ welcher Sophist/welcher Papist welcher feynd d warheit/hat sich nit beflissen vnd hefftig widerstanden/das yetzund vnser spitz sinniger brüñ Conrad vermeint erst erfunden zü haben: Wie wol nit alle gotlosen / so ferr kōmen seyen / das sy von Apostel schufften / so argwānisch für geben hetten.

Die weil nun meher ein schein/dañ warhafftig disputation gesucht / wurden zü Freiburg sein wunderliche schluß reden / für vnüberwindlich angesehen werden / wo sie als anderswo bestritten vnd erhalten / hin auff kēmen. Wil also da für vff genommen werden / das in für gütt vñ zür sach fürderlichē hab Bedacht / das hie zü Straßburg solich auß giengen / vnd dermassen auß giengen / als ob er vrbüttig gesien / mit vns dē dienern des worts / hie zü disputiern. Aber wir / als erschrocken leütt / hettē vns nit dürffen Begebē / in so new erfundene materi / gegen so vnuergleicher künst des hochgelerten brüder Conrads.

Darumb schreibt er. Die weil die vom gegēteil Bey nach täglich in irem predigen züm groben volck schreyen / vnd jr heer ordnen / mit vil lestrung vnd geschrey / maniglich zür schlacht reizē / vff das nit spöttlich (wie bis her) sie sich verwenē / als ob sy jederman erschrockē

An die Eidgnossen

Dann vermülichen/das wir als vor Begierig der disputation/solich gelegenheit nit verlasset hette/so wir vnserm teil vertrawt/oder villeicht/so wir nit besorgt hetten/das wir des streits wurden vnder gelegen sein oder das ein löblich freystat Straßburg/zür disputation nit vermöcht/oder nit gewellt hette/begerte sich erheit zü geben.

Vnd dabey hat er ein and geschickligkeit angestellte nemlich das er bewilligung züm truck erlangt/vnd dē nocht vns verhelet hat/auff das er möchte rümen/er hette durch offenen truck/hie begert zü disputiern/vñ doch die geferde des streits nit were genötigt mit vns anzügeen. Vnd also die eer des übersiggers/on mühe vnd gefertigkeit erlangte.

Aber Gott verfügte das ertlichen auß vns sollich disputation vnd berümen zü hands kame/die darneben Beriecht wurden/das er wegfertig were. Also haben wir vffstund/im geschriebe/wie verteütscht hie nach volgt.

Sey gegrüßet würdiger vatter. Vff dise stund seind vnns vnuersehener sach/zü handen kōmen deine über auß starcke schlusfredē/von sachen des glaubens/mit ein seer mütigen sendbrüeff/mit dem der vns zü verhoffen dein offen fründlich gemüt bestertiget hast. Dann du dich offentlich erzeitest/bereits gemüts sein/an alle orten/als wol offentlich/als in sonderheit/so ferr es sicher sey/mit meniglich zü disputiern/der vsach/das du verhoffest von vns ein vsach zü erlangen ein solch sach nach jrer würdigkeit zü hädeln. Des halb wir Bürder/so das lautter Christlich leben hie predigen vnd leren/ermanen dich im herrn/du wöllest deinē verheiß nit abston/sonder die meinüg des heyligen geysts vns

Verwarnung

die das fleißig Begeren / vnd zū hören die warheit ganz geneigt sein / herfür geben. Da gegen verheiffen wir / deiner freyheit / vff glauben / alle sit samkeit / vñ ein vn uergleichlich ergebenheit / so du es vns / als Chustlich leisten wurst / als prachlich du es verheiffest / das wir den hören wöllē mit wenig leütten / on ein pöfel / allein zū gegen etlicher weniger vñ fromer menner / die kein redlich man zū zeügen vnd erkennen / verwerffen mag.

Dar zū wirstū nit allein ein sicher statt / sond die on alle sorg sey / hie habē / Fürnemlich in dein closter / als in ein gewonlichen / vnd zū den kempffen offte gebrauchten ort / da durch dein schafften vnd für wesen / zūm dickern mal disputiert ist / vñ auch du selbst disputiert hast / Fürnemlich aber / wirt dir diese statt / sicher vnd on sorg sein / so auch vnser herrn / die denn zū hören die warheit ganz begirig seind / durch iren gewalt vñnd oberkeit / dir sicherheit schafften vñ halten werden.

Du weyßt wie vffrecht vnd redlich vnser Rath vñ oberkeit / das du / so sy dir ein sicherheit zū sagen / kein geferd über all mer besorgen darffst. Zū letzt / die weil du die ding alle vor bey dir wol erlernt vnd betrachtet hast / als die du nunder welt zū richten lassst auß gan. vnd wir kein kempffrede / sonder die lautter warheit / von dir erwarten / so Begeren wir an dich mit hohem fleiß / das du dich gleich morgen oder über morgen zūr disputation hie an zū sohē / schickest. Da mit vnser vn wissenheit lenger nit vns vnd dem volck schedlich sey / vñ auch du nit dürffest der sach halb / lenger dan dein will ist / hie vorziehen. So vil dan an vns gelegen / wölen wir vns ganz willig vñ danckbar deiner erfaring beweyßen / die wir dan wissen das die erkantniß der vor Borgenen / nēlich 8 Chustliche warheit aller reichrüb für zū setzē ist

fürzise
dise gegen
vnd vn
wir mit
hächbar

Vn
vnd d
telha
alte
ma
zür
kein
der
sam
gew
er de
vick
sy an
burg
zū sa
der C
ten/
er dz
Dar

An die Eidgnossen

fürzusetzen ist. Wir bitten du wöllest antwortē durch
dise gegenwertige menner/dan̄ je von diner sicherheit
vnd vnserer sit samkeit du nichts zweiffeln darffst/die
wir mit besondern erē/ für dise gütthar dir wöllē vns
däctbar erzeigen. Gehab dich wol.

Die diener des woits / vnd
Brüd̄ zū Strassburg.

Dem würdigen in Christo vatter vnd hern
Brüder Conrad Tregar/der Augustiner
Prouincial/vnserm Brüder in Christo.

Vnd solich schrifft überschickt/durch den edlen veste
vnd die ersamen vñ weysen/Junckher Adolff vō mit-
telhausen/hern Friderich ingold/Jost laußenberger
alte radtsfründe ic. betagte vnd tapfere menner. Die
in auch mündelichen besprochen/vñ gebetten / das er
zur disputation gerüchte fürderlich zū greiffen/dann
kein fel der sicherheit halbē sein wurde ic. Darauff Brü-
der Conrat/nach verlesung vnser s brueffs vñ genüg-
samē beriecht / geantwort / wie sein begird verlangst
gewesen / mit vns vō diser matery zū handlē/ des halb
er den hette solich beschluß reden für genomen/vñ für
vier tagen lassen durch den truck außgeen / in willens
sy auch hie zū disputiern/wo vnser G. H. von Strass-
burg / vñ ein ersamer ratt jm bewillige / vñ sicherheit
zū sage. Vnd als im inhalt seins ver schreibens / vnd ir
der Clöster gebrauch pfleglich zū disputiern fürgehal-
ten/darın kein bewilligūg vō bischoff gedacht / sagte
er dz dise disputatiō wurde ernstlich vom glaubē sein
Darüb on bewilligung vñ sicherheit eins Bischoffs/
C

Verwarnung

sampt eins ersamen Rats nit gebürē welle für zūfarē
Sūst möchte tarsthanen werck drauß werderē. Wir
soltē Bewilligūg vō bischoff vß bünge/ so wolt er mit
frewdē vns willfarn/vñ seiner verheißung gnüg thū-
en. Vff das habē wir gleich an ein ersamē Ratt nach
folgēd supplicatiō ingelegt. Gestrengen Ernuesten
günstigen vñ gepietenden herri. Vff gestern/Zinstag
nach Judica/jst vns behēdigt ein disputatiō durch dē
truck hie außgangen/ in namen der Augustiner prou-
cials/in d er sich mit vil prachtlīchē vnd durzliche wor-
ten vermist/mit jederman allenthalben/vō angezeig-
ten pūcten/heimlich od offentlich zū disputiern/so ferr
es sicher sein möge. Vnd dweil er vorhin gemeldt/wie
sich etlich alle tag zūr offentlichē verhö: berūffen/hab
im gefallē solich disputatiō für zū nemē/vff das sy nit
bey in selbs achte möchtē/als ob niemā als rüstig we-
re/das er sich gegen jnen dürffte inlassen. Vnd am be-
schluß daran gehēct. Gebē zū Straßburg ic. Ist ver-
mūtlīchē/das māniglichē solchs vff vnß euer prediger
vñ diener zū Straßburg deutē würdt/so vil felzig vñ
offentlich verhö: vns bearbeit habē. Deshalb wir vff
stund/ seine würde geschūfflich zūr disputatiō gebettē
habē. Vnd solichs überschickt durch den Ernuestē vñ
die Ersamen junckhern Adolffen von mittelhausen/
her Fridrich jngoldē/Jostlauchberger alte ratsfrün-
de ic. So in auch mündlichen gebettē haben/welcher
schufftē copey verteütst hie mit E. S. E. W. wir ü-
berätworten. Dar vffer gsagt/Es sey wor/er hab be-
schluß reden zū disputiern für genommen/vnd durch dē
truck vß geben/das er zūchün mit jederman noch wil-
lig sey/so ferr ein bischoff von Straßburg/on welche
man hie mit disputiern soll/sampt eins ersamen Rats

An die Eidgnossen

darin bewillige / vnd im sicherheit zü sage / dan er ge
wölich disputatio vnderlossen / damit nit karsthansen
werck drauß wurde. Die weil nū G. H. solch vffschrey
ben / in L. G. statt vff gangen / vñ wir oft zü disputirn
vns hic beruffen / haben wir zü besorgen / das von vffle
digen / so des hädels nit berichte / darfür gehabt werde
möchte / als ob wir vnserm berümen noch nit durfftē
zür verhör kōmen / vnd er der prouincial imm sein auß
schreiben / allein sicherheit angeregt / vñ gātz keiner be
willigung vō bischoff nie gedacht hat. Ist vnser vnd
ehenige bitt L. G. wöllen im sicherheit zü sagen / vñ da
bey beselhen zü disputiern in sein closter od ander swo
wo es L. G. für das beste ansihet. So wellen wir vns
aller gebür haltē / da mit die warheit gefürdert / vñ ge
meiner statt anschens vnd eer / auch verredigt würde
so vff solchē außschreiben verkleint werden möchten /
als die so vnserm predigen oren geben / die doch an vns
selbs so vntüchtig / das wir vns vff disputatio beruff
ten / aber die selbige zü gegen / geflohen hetten / wöllen
wir als gehorsam vnderthanē vmb L. G. zü verdienē
gestiffen sein. Gebē am mitwoch noch Judica M. D.
xxiiij. L. G.

Vnderthenige Bürger / die predicantē
vñ pfarhern ewer statt Straßburg.

Vñ damit er kein außzüg habē möcht / ist im geleit vñ
sicherheit vō eim ersamē Ratt / noch verlesüg diser vn
ser supplicatio angebortē / zeit vñ malstat im heim ge
setzt / mit anzeig seins od des closters zūm barfussern /
vñ danebē dz d̄ gemein burger nit dabey sein sol / sund
allein etlich verstendige auß jnē. Darüb v. G. H. von
straßburg bewilligē nit vō nōtē / den es für ein bsund /
vñ nit für ein offentlich disputatio etlicher maß zū hal
ten wer.

Cij

Verwarnung

Sollich disputation wolt ein ersamer Ratt vō im gewertig sein / dweil beschluß seins Brieffs meldet etwas argwon wider Straßburger prediger ꝛc.

Die hat sich Brüder Conradt auffgethā / vñ erstlich entschuldiget / das er vns / die predicanten zū Straßburg in seim schreibē gar nit gemeint / auch vnser halben / die disputation nit angesehen / sonder vsß bitt eins ersamen Rats zū Friburg / den zū gefallē / vñ nit vns zū widder / habe er solichen truck lassen auß gen. Aber die weil wir jnen so hefftig vmb disputation ansüchtē were er nit vngeneigt zū disputieren / wo vnser G. D. vō Straßburg / als Ordinarius bewilligt / on welche solche ding / hie nit wern zū bewegen. Vnd als jm weiter darauff geantwort wart / wie ein ersamer Ratt vmb bewilligung eins Bischoffs von Straßburg / sy nit wistē weiters / über beharlich vñ vilfeltig abschlagen anzūsuchen / vnd das er in seim auß schreiben sich berümpft hette / das er an allen siehern orten gegen meniglich bereit sey den streit an zū geen / Auch gar keiner bewilligung nie gedacht habe / wölle ein ersamer Ratt verhoffen / vnd sich eigentlich versehen / er wurd seiner zūsag nachkōmen. Ist er beston bliben vff jertz gemelter außflucht. Als ob im gezimpt hette / on wissens vnser Bischoffs / hie die Artickel lassen auß geen / vnd sich zū berümen das er willig / solich allenthalbē zū disputieren. Aber es sey weiters von nöten / wo er solche rümen wolte nachkōmen / neirwe bewilligūg vnd zū lassen zū erlangen vom Bischoff / d nit höhers flihet / wed erkündung yetz schwebender sachē. Fürter ist berüchtigt bey vns / durch seine vnderthane / wie er selbs wöl Bischofflich bewilligung auß bringen / vñ das er die zū erlangen schon sich gen Zabern verfüget hab. Vnd d

An die Eidgnossen

gleichen vil Behendigkeiten/die alle da hin reichē/das
er möch te geacht werden/ als ob er vns mit fürgebne
Artickeln/den hasen in büsen treibē vnd vns ganz for
chtsam gemacht hett. Welchs im den auch ein ansehē
vnd namen schepfft/vnd vil der einfeltigen ver wenen
vnd teüschē möchten. Also wenig achte sy was weiß
sy faren/sond all jr fleiß ist/das sy ein geferbten schein
des sigs erhalten/für den gering verstandigen/zü zer
störung der schwachen gewissen. Vnd wie wol jr erkē
nen die gedencke des Satans / das vnser verwarnung
wol nit von nöten were/ hat vns doch die liebe getrun
gen/dz wir ein ärzney/der irrüg/ vor vñ ee sy sich auß
breitet/vnd beflissen offenlich für zü schicken / nit das
jr solichs bedürffen/dan got lob/ jr genügsam vorhin
verwarnt sein/Aber das vnser gemeinsam des glan
bens/ mit gleichem verichen dester stätlicher zeügnis
geben der vfferstendung Jesu Christi so in hertzen der
gotlosen/noch todt leit/ Dan Paulus verwarnt sein
großgleübigen Timotheum/für Alexandro dem kup
ferschmid/der im vil übelz zugefügt/vnd hefftig was
seinen worten widerstandē. Vnd allenthalbē verwar
net er für den falschen prophetē/die jres hertzen sehne
vnd gedancken für das wort gots setzen/das von vns
für ein dienstlich werck brüderlicher lieb/meer den für
das wort der Befestigung gegen euch ist anzünemē vñ
zū verstee/die vnser schwachheit wol erkennen / vñ vmb
eiwer sterckung vnd volkōmen erkentnis got dē hern
fleißig dancksagē. Haben also die sum brüß Conrads
artickel/vnd die gegen warheit in kürze anzeigen wel
len/vff das maniglich/on witer mühe sehen/was für
nemens vnd was geschickligkeit sey/die blinde gotlos
vernunfft/der weltkinder/Die weil götliche warheit

Verwarnung

allein Bedachte vñ vffsätz der menschē zū vnsern zeitē/
wider frey vnd als Billichen vorgehalten wirt / zer got
das endtchristlich regiment / als münch / non / pfaffen
blattē / gekleng / geseng / wasser vñ saltz weihen / palinē
vnd kreutter seggen / lichter brennē / die wend schmiren
Kirchen vñ altar Bawen / glockē reuffen / altar weschē
clöster / pfründen / jarzeit / vnd mess stifften. desgleichē
genötigt oren beicht / erdiecht büß / vngot selig genüg
chünig für die sünd / ablaß / dispensatio / vnd ander rö
mische gewerb / dar auff mächer fauler Bauch vñ gro
ser büß Befestigt ist / d etwas abbruch in seiner geil vnd
fräß leydt / durch aufgang des glaubēs / vñ war er bü
derlicher lieb / dar auff die geyle bettel mōnch jr narüg
vnd die Bauch vätter / patres / priores / prouincialen / jr
Bracht vnd autoritet auch haben / welche ding alle ver
geen / wo das hell wort gottes auffgeet / vñ angenomē
wirt. Darumb büß Conrad / wie für augē / hat nit
vnbillich bedacht / eins mals zür hauptsach zū greiffē
vñ hat also die herligkeit der gschufft in schwachgleu
bigē geringert / vff das / nit jr eigē fündlin / der gemein
verstād / mit gewaltigē gots wortē / also verwerffe vñ
abtreibe / wie jetzt offentlich beschicht / vñ das nit vnbil
lich / denn jedem gebürt sein gewin künlich zū fürdern
Vnd hat also hundert paradora / das ist / wid gemein
verstand schlüßredē / auß geen lassen / diser vnser wördi
ger herr vatter büß Conrad / zür vergleichniß des alt
vatters Abrahe / dem Isaac geborn ward / da er hun
dert jar ale was / denn er freylich ein verkerter Abraā
ist / so vō somen in dem alle völkter gebenedeit werden
vnd so das end der geschufft ist / auff menschen traum
auff Copiisten vñ Notarien concepten abweist / dan
solich leütt regiern in Concilien vñ an Bāb stlichē hoff.

An die Eidgnossen.

Abraam hat geglaubt Gottes verheissung / das ist
im angenomē zur gerechtigkeit / dieser großglaubiger
Brüder Conradt / auff das er Gotte nit zu vil glaube/
nimpt er an ein regel vnd moß / von der hochpriangen-
den kirchen zu Rom / nach welcher der sücker glaub
aller welt fürtrifft. Abraam ist von seinem geschlecht
ausgangen / vff Gottes befehl in ein frembde landt /
vnd hatt sich Gott vertrauwet. Brüder Conradt der
vngezempt Münch / vnderstehet die gelassenen / vnd
Gott ergebenen gemütter / auff zergengliche vñ ver-
botten menschen leer zu führen / vñ das ausbefelhe des
Römischen botten zu Costenz / dieses zu sag / wie etli-
che vnuerholen reden / vñ grosse verheissung / er frey-
dig glaubt vnd vertrauwet / dan der arm Luther hat
vilen zu reichlicher narung geholffen. Abraham hatt
geglaubt in die hoffnung über alle hoffnung / aber
Brüd Conradt / Bestet in gegewertiger menschen vernü-
fft vñ vvilleicht in bereitte belonung des greüwels / so
da sitzet mitten im Tempel / vnd der sich für Gott auß-
preyffet. Vnd auff das die gleichniß bestehe / gebrau-
chet er für jedes jar ein schluß rede / Bis sy vff hundert
so für ein volkommene jarzall gehalten / auff gefüret
wirt / Denn da Abraam hundert jar alt wardt / gebar
im Sara Ysaac / also die hundert paradora / bungen
Brüder Conraden ergerliche prelaturen / vnd gnadrei-
chen gunst der Kirchen / zu dem das die bewerung vñ
der zeit / so genant werden mag Argumentū seculorū
das krefftigst ist / so zu beschirmen die verfürüg pflög-
lich wirt fürbracht. Es hat lang also geweret / darüb
ist es recht / vñ sol von niemāt gestrafft werdē. sind w3
vñ Conciliē / Bābstliche sartzungē / vñ vātter sprüchen /
vns nützlichē sol vñ müß ghalten vnd glaubt werden.

Verwarnung

Dañ vnser hauff ist ye die regirende kirch in namē al-
ler geraufftē/über die geschufft/über seel/über dise vñ
zükunfftige welt/ Ist es anders wie wirs fürgeben.
Aber mit ernst zū reden/ Solendet die gāz sūm seiner
disputatiō da hin/ das die geschufft der Euangelistē
vnd Aposteln vngewis vnd irrige menschen geschufft
sey/ die kein anleittung des glaubens habe/ wo sy nit
von der kirchē vnderstūzt wurde/ welche die vnstref-
liche vnd einige regel zūm glauben allein für gibt/ wel-
che allein anzeigt die heimlichkeiten vnser glaubens/
als ob er sprechen wolt/ Ob schon etwas vermerckt in
Aposteln schufftē/ das zūm glauben reichet/ so hat es
doch vmb wille jrer 8 apostel vntüchtigkeit kein anse-
hē die kirch betreffigs den/ vñ gib im die wurde das es
warhaftig vnd götlich schufft sey/ gleich wie Linius
von den gesetzen der zwölff raffeln schreibt/ welche in
namē der Ediles aus Befelch des Senats zū Rom er-
offnet wurden/ damit sy nit vmb die mishandlūg wil-
lender Decemiri so sy beschübē hattē/ eins kleinern an-
sehens weren/ vnd von sünden ver spott wurden. Also
siechts brüder Conradt für güt an/ das die vnstreflich
warhaftig Römische kirch inhalt Apostel schufften
für gebe/ als vil jr gelegen zū jder zeit/ in jr selbs namē
vff das die lūgēhaftige/ Blsde/ irrige/ vnuolkomēheit
der Apostel nit vsach geb der verachtung/ Dañ wer
wolte nit lieber glauben der trisachen kronen/ den er-
lichen purpur mänteln vñ roten sitzhütlin/ weder
den armen fischern Petro vñ Johanni/ dem verach-
ten zolner Mattheo/ vnd dem so oft veriagten verdä-
ten vmbschwēiffenden vnd mit rütten auß gehawenē
Paulo/ vnd vorab/ die weil brüder Conradt kein geyst
nit bey jm fület/ versteet es auch nit anders von Apo-
steln dañ

An die Eidgnossen

steln/ daß das sy auß jrem hyrn vnd eigen verstände/vñ
nit der geist gottes durch sy geredt habe. Darüß sagt
er so fleißig vorhin im ingang/das die Apostel als mē-
schen lügchafftig/das sy nit recht nach Euāgelischer
warheit gewandelt/das auch Petrus/die anzeig mē-
schlicher Blödigkeit gehabt/des halb in als blöden mā-
gelhafftigen menschen sey nit zū glaubē/ Aber der vn-
widertreiblichen regel/so die Römische kirch vnd Cō-
cilien für gibt/der sol vnd müß allein glaubt werden/
In summa/darauff behart/das die Euangelisten vnd
Apostel/von jnen selbs vnd nit der geist Chusti durch
sy geredt habe. Vntz her setzt er die kirch für die geschri-
fft/vnd bald in dem neünvndzwenzigste paradoxo/zū
milttern vorgesagt gotslestrüg/oder vileicht aus ver-
geß/vergleicht er die kirch der geschrifft/vnd sagt das
nit weniger den gebotten oder den dingē so von der kir-
chen angenömen sein zū glauben/dann der geschrifft
selbs/die er doch vorhi am xvj.paradoxo gemacht vn-
trefftig/vnd hat allein von der kirchen der vniuerserli-
chen regel des glaubens angenömen/vnd doch da ne-
ben erholet er wider am xxx.paradoxo/dz die kirch nit
jren möge. ¶ Darauß volgt wie nachgeendt sein di-
sputier artickel auch berüren das die kirch war/vnd
die geschrifft müße vnwar sein/Als offrt die kirch vnd
geschrifft sich zweyen/wie den in vilen haupt puncten
sy sich etlich hundert jar gezweyert habē/Solch zū be-
festen/binget er in vil irrische/versürische/kezzerische
gotslestrige artickel/so wir wil gott/durch verfaste di-
sputation in kurzem wollen abtreiben/wiewol es nit
hie von nöten were/den vnser volck genügsam darwid-
vnderbarwē ist. Also ist aller inhalt seiner disputatio/vff
dz wirs ein mal anhangē/das mensche freuel/für gōt

D

Verwarnung

liche leer angenomen werden sol/ den wir die concilien
vñ bapstliche satzungē die der gschrifft entgegē/ vñ ab-
brüchliche nit anders zū deütte wissen/ dan für erliche
frenel/ gotlose nichtigkeiten/ vnleidliche müßwill. Wo
bünd Conrad solchs bestertigt/ so ist frey aller blunder
8 verfürig bestertigt/ vñ ist nichts den ein newe bürd
über die and zū bsorgē/ vñ dz 8 schin chüstlichs wegens
so noch beuor sein mag/ auch werd bald hin genommen.
Den 8 geistlich gitz fiert nit/ aber got lob/ die warheit
ist so hell am tag/ die hertze viler mensche sein inerlich
durch die ingeistig gottes gelernt/ sy habē mer für au-
gē die verheissung gots durch Chrustū Jesum/ wed die
betreüung des bapst/ durch sein schornstenfeger die bet-
telmünch/ mit dē schwert des geists/ widerstrebe sy dē
fleischliche gwalt/ 8 tyrannen verfolgung/ vñ dē teufel
selbs. Wiewol vnser bünd Corad des wort gots nit ach-
tet/ sich offentlich vernemē leste er wöll mit vns dispu-
ten/ aber nit vs 8 gschrifft/ als ob die gschrifft nit mer
angnomē/ dwail er der römer kirchē patron/ sy nit an-
nipt/ himel vñ erdē vergen/ die wort Chrusti vergeē nit/
das wort des herren bleibt ewig/ so alles fleysch wie die
blüm im felde/ vñnd der menschen rodt schlege wie ein
traum des schlaffenden verschwindt.

Du sagest ye lieber bünd Kuntz/ inn der sechsvnd
zwenzigsten schlüsßred/ das dich dē Euāgelio zū glau-
ben/ der kirchen autoritet vñ ansehē allein bewegē/ vñ
gestest/ das dz enāgelio vō 8 kirchē angenomē sey. Ist
nun das enāgelio als warhafftig angenomē/ so ist wz
im entgegē lügēhafftig/ den warheit stimpft 8 warheit
gleich zū.

CDie weil nun die kirch bekennet die warheit des E-
uangeliūs vñ 8 gschrifft/ den sunst het sy es nit angeno-

An die Lidgnossen

men/volgt dz zū bericht diner artickel/sy in zūfürē sind
vñ dz du vñ dein kirch leügt/wo vnser götlich gschufft
euch wid ist/den zwey gegēteil mögē nit glich war sein
Wirt dein kirch vñ heilge geist regiert/so ist sy des selbi
gen geists sprüche/so durch die propheten vñ aposteln
angezeigt nit mißhellig/den kein weiser man redt wid
sich selbs/wie möcht den der geist gots im selbs nit gli
chförmig sein. In eüsserliche sitten/in geprenche sichte
licher dingen/in hendeln so vff benant zeit vñ molstatt
gezogen/ist eigentlich verwandlūg/aber darnō ist nit
d Chrißlich glaub der rechtfertigt/sind allein ist er vñ
der vnßelichē gnade/so schrifftlich verheissen durch
Christū Jesum/vff den alle gschufft deut. Dawid ge
denckendie/so sein vñ der bößwicht vñ gotlosen kirchē
der haupt sich über gott erhebt/welchs außgang die e
wig verhergūg ist. Vñ ob wir dy schō noch geben vñ
etwz gestündē/das durch annemē/die kirch d gschufft
wirde vñ krafft gebē hett/möchte wir denoch darauß
schliffen/das du/wes vñ deiner kirchē bewert/wie die
gschufft bewert ist/schuldig seyst anzünemē/für war
vnd krefftig zū haltē/nit zū dadlen/nit zū widerfechtē/
sond vertrettē/beschirmē/alles vermögens vertedige
Den nach dē die rōmer der xij. taffeln gsätz angenomē
sein sy darnach vñ inhalt d selbigē geheyscht wordē/vñ
was doch vorhin in jrer wiltür/sy anzünemē oder nit.
Gleich wie den bischöffen befolhē ist Tit. de rescriptis.
das sy vorhin besichtigē bābstliche buess/vnd so sy gere
cht befundē/den erst sy an nemē/aber noch inhalt der
selbigē buess/so rechtfertig befundē/sollen sy vrtailen.
Vnd du feiger baid/nimpst an die gschufft in namē d
vnd wilt nit darnach geurt eylet werden/vnd versprü
chst schmelich/das dein kirch zū eeren angenomē hat.

D q

Verwarnung

vnd schewest dich nit zū sagen/das allein iüppigen ketzern
gewon sey/das sy sich vff blosser geschuffte beruffen:
Als ob blosser götlich warheit verursach die menschliche
bosheit der ketzer/vñ mit vil mer verwechslüg des
verstands/den gott der heilig geist vñ den wort der
geschuffte bedeckt/vñ in erwegüg der vmbstende/vñ
vergleichüg and orten eigentlich erkant werden mög.
Nach dem du hast deine mōnchs regel angenomē/la-
st du dich die selbig vteilen/vñ wilt dein halßstarüg ge-
müt/nit vnderwerffen der gschuffte. Du wollest den
sagen/das die kirch auch vermōchte die gschuffte wid-
entsetzen jrer würde vñ autoritet/gleich wie dich deine
mōnch vollengst vñ provincial ampt verender herrē/
wo du nit geschickter weiß solichs werst für komē. Wel-
ches in dir ein vnrechtmessig gemüt were. Dann was
vns ein mal gfelt/sol vns alweg gefallen/Es were al-
so der glaub vnbeständige weyber teding/vñ nit bestē-
dig wirkung des heiligen geists/zū den vn sichtbaren
dingen/die außserhalb allem zeitlichen gewalt sein.
Hörstu biß eingenvillig/gib vns antwort. Ist die ge-
schuffte vngewiß vñ vnwarhafftig/warüb hat sy dei-
ne kirch angenomē/vñ gesagt wie die lügner/das sprē-
cht der herr/das er ny gesprochen hat: Ist sy aber war-
hafftig/als sy worlich ist/warüb wiltu den jr nit statt
geben/gegen dein losen fürnemē. Aber wir frage ver-
geblich/Es ist deins verfürlichē hertzen rattschlag of-
fenbar. Du weißt das das wort gottes/so der geschuffte
ingeleibt/die kirch gebirt/vñ nit widerumb die kirch
das wort. Du weißt das alle Concilien/alle bābst/alle
vätter/nit des geringstē artickels glauben gebē mögē
Darüb schimpflich zū hören/das du deiner kirchen zū
gibest/vñ streffliche regeln des gaubens so gott allein/

An die Eidgnossen

den glauben gib/du woltest den gott ein zil setzen/wie
ferr er vnser hertzen zu glaubē bewegen solte. Aber die
weil du befindest/das der Befelh gottes so durch die ge
schufft angezeigt/deiner hürische kirchen/büberey zu
wid/mag jr schand nit beschönet/on auß verkleinung
der Her gottes/vnd geringering seiner wort/das ist
wo sy nit werde menschlichen vteil/vñ d verstorē kir
chē vnder vorfften/vnd wo die wort d apostel nit werde
angenomen/als von gott geredt/sonder als von in sel
bes/die auch blödd vñ mangelhafftig/gleich vns gewe
sen/so ist's gescheē vmb alle euer narüg vñ all bābſtlich
regimēt/Aber vnser herr hat solichs betrachtlich für
komen. Vnd Joā. x. vnuerdūckelt gesagt/das die wort
so im sein almechtiger vatter geben/habe er seinen A
posteln geben zūreden/vñ die selb rede sey die warheit/
vnd folgend's/jm gebett bittet er nit allein für die apo
stel/sunder für alle/die in sein namē durch ir wort/dz
da gottes wort ist/in jm glauben werden/Dañ durch
den glauben in Chrustū Jesum wurd't der name vñ die
eer des vatters geoffenbart/durch der kirchen vñ vāt
ter glaubē/so nach der kurchē zu vil reucht/wirt sy ver
dunckelt vnd auß gelöscht/Als die prophetē außgesch
ryen Der heylig geist ist dē jungern als ein lerer aller
ding/so der herr in gesagt hat/verheiffen vnd geben/
nit den Concilien/nit bābſtliche satzungen/vnd nit dē
geschwürm der vätter sprūch/was von nōtē/hat die
jünger der geist alles beriecht/welchs vns zu güit vnd
zu beriecht geschriben ist. Auch hangt der glaub nit an
mēschlicher macht/sund wie wir vō gott gelernt/also
auch ist es ein gab des vatters das wir glaubē/die nie
māt noch vō sich selbs nach anderswo her habē mag/
dan allein vō gott. Als vil stot geschribē haben glaubt

Verwarnung

als zu glaubē verordent waren. Vnd dem Petro hat
sein verichung blüt vnd fleisch nit geoffenbart / der ge
wont het by deleyblichen Christo / Vnd du von der flei
schlichē versamlüg / die gātz natürlich mēschē sein / vñ
offt wiß die natur lebē / wiltu allein annemē die regel
deins glaubēs / welche kein glid Christi ist / vñ des halb
mag sy in vns kein influß haben / sund alle vnser Bewe
gung vnd vermögen ist allein von vnserm haupt Chri
sto Jesu / vō oben herab / vō dē vatter der erleuchtüg
gestiegen. Du gesteeft frey / dz die kirch etwas der ge
schrifft verwädelt möge / Wo nun die kirch versamlet
wurde auß prelatē die ein nerrischē glaubē hetten / wie
Alexand der Babst vñ ander / od die gar kein gott nit
glaubten / vñ thetē alle gschrifft ab / so wurstu in nach
folgē / vnd Christū vß der welt veriağē / dan die herlich
regel geb dir die kirch. Wie wol das vō jm nit zu besorgē
dweil der name Christi / sy befestet hat / in so gemachsa
mer reichtüb / eer vnd pracht / Also spötlich ist es zu hō
ren / das der heilig geist bey deiner kirchē wonet / da ge
wonlich Saduceer vnd phariseer versamlet sein / vñ
wenig worer israeliter. Den achten sy jr wort für gots
wort / als du für gibst / so hād sy dē geist gots nit. Ober
wem / spriche der prophet / rüget mein geist: über dē Bez
kümmerten / vñ der mein rede förchtet / dise aber dein kir
che / wil jr selbs wort geförchtet habē. Darüb als bald
der nam der kirchen gedacht / so ist die sach argwenig
des wir scheinbar anzeig habē bey dē Galathern / bey
den Couthern / vnd anderswo völkern / so etlich der
grossen Aposteln jünger / in fürgeben d kirchē zu jeru
salē / vō Christo / in dießbarkeit dz gsatzs abgefürt ha
ben / aller moß wie jezūd d geistlich stād vß fleischlich
werck gar verkeret ist / durch ergerlich leer der kirchen
dz ist der babylonischē hürē zu Rom / die voller gsfäcks

An die Eidgnossen

vnkeüſſcheit vnd greüwels iſt/wolt gott/die welt nem
zü hertzen/wie der heilig Paulus dagegē ſo fleißig ge
handelt/vnd wie er die warheit geſtanden/wie er ſich
nemt ein berüſſtē/das ſein predigē nit als für ſein ſelbs
red verſtanden wurde/vñ wie er ſich heiſt ein Apoſtel
nit vō menſchen/sunder durch Jeſum Chriſtū vñ got
den vatter/vñ ſagt ich hab mein euangelii nit vō mē
ſchē empfangen noch gelernt/ſond durch die offenba
rung Jeſu Chriſti. Auch berümbt er ſich/dz jr die gro
ſen Apoſtel nit anders gelernt hettē/ja des beſelhs vō
der kirchen hat er ſich nie berümbt. Dann wie woler
vnd Barnabas vō der propheten kirch zū Antiochia
ins werck des Euāgelion erwelt/vñ ſchō ein decret in
Antiochia vō der kirchen zū jeruſalē was angenomē/
hat er deñoch in ſein predigē allein vermant/dz ſy blei
ben wölte in der gnad gottes/vñ des Cōciliumbs oder
ſeins beſelhs vō der kirchē zū Antiochia/hat er nie mit
einigē wort gedacht/wie wöl es ſcheinlich/das er war
von einer ſo herlichen gemein abgefertigt/ſond er be
rüſt ſich fleißig allenthalbē vff die berüſſung vō gott
aber jezund/wolt brüd Conrad die welt gern bereden
das man der ſelbigen leer der gnadē nit glaubte/ſond
der ſchwindel geiſt einfell/ſeiner geleiſtlichen kirchē
zū Rom. Paulus hatt auch eüſſerlich ordnungē der
kirchen bey den Coynthern vñ bey andern vñ de geiſt
vffgericht/vñ du Begerſt/das d vnwādelbar geiſt Ch
riſti/ſo innerlich bewegt die hertzen zūm glauben/ord
nung vñ ſazügen des glaubē neme vō dē rōmiſchen
grewel:verhoffen dz die welt in ſolich thōheit noch ſey
zū bügen:es iſt wollich nit möglichen alle gwalt/deñ die
übüg d gſchriſte iſt groß by dē gemeinen man/da durch
ſin glaub gſterekt iſt/Die gſchriſt wirt dē vorgäg bhal
tē got wolt dē vnſer ſünd in d Babiloniſchē gefenckniß
lēger ſtraffen/da für vns Chriſtus verwarē wöll Am.

Die die Bisthümer

Faint, mostly illegible text, likely bleed-through from the reverse side of the page. The text appears to be organized into several paragraphs.

